

- 1594 intra quindecim dies, tota Gallia exire, perduellionis poena proposita, jussu: bona eorum ac supellex ut in pietatis opera ex Parisiensis Senatus sententia erogarentur, statutum. Iisdem quoque subiecti poenis, e Gallis quicumque extra regnum ad eorum collegia se contulissent. Mœrore ob periculum, gaudio ob atrocissimi casus exitum perfusi Patres, Regi Senatus consulto gratulantur: hortantur, rogant, vitæ ipsius, ex qua Galliæ non modo, verum christianæ reipublicæ incolumitas ac dignitas pendeat, in posterum diligentius consulere velit. Munus id extraordinarii legati, qui adhuc in Gallia erant, obvivere. Egregium hoc publicæ pietatis studium cum Henrico pergratum extitisset, Senatui gratias quam maximas egit.

M. D. LXXXV.

- 1595 **A**Nni proximi initia assuetæ rapinæ Uscochorum exceperere, qui Pharo, Brachia, & Corcyra nigra insulis damno affectis, maritimamque oram depopulati, obvia quæque Christianorum & Turcarum navigia diripuerant, celocem Afrivio cum publicis literis, negotiatorumque viginti aureorum millibus Venetias venientem interceperant, Georgio Margitichio, imperio Veneto subiecto, in primis duce, qui, trecentis comitantibus fociis, a Georgio Lencovichio, Croatia præfecto, fide accepta, cum uxore ac liberis e Brachia Senniam se receperat. His incommodis quo minus majora remedia adhiberentur, temporum conditio obstabat: sed ne tot flagitia magis magisque impunitate alerentur, Adriatici sinus, atque adversus Uscochos præfectis jussu, vel conjunctim, vel separatim prædones persequerentur; quotquot vivi in eorum manus pervenissent, supremo supplicio plecterent; exitus omnes a Sennia ac propinquis locis acriori diligentia obsepirent, ut saltem commeatum omnique generis annonæ inopia conflictati, aliqua ratione facinorum poenas darent. Marcus quoque Molinus, classis legatus, in Adriaticum sinum evocatus. His querelæ addebantur. Cum Sigismundo Turrio, Rodulphi legato, graviter expostulatum: damna sarciri, ablata restitui petitu; qui etsi, ut aliqua in parte satis Reipublicæ faceret, Bernardinum Rubeum Senniam misisset; pollicitis nunquam eventus responderunt. Georgium quin etiam Margitichium

*Uscochorum rapinæ
Georgio
Margitichio duce.*